

Reglur varðandi samvinnu sjúkraþjálfara og ráðgjafa VIRK og gjaldskrá vegna samskipta og umbeðinna greinargerða

1 Inngangur

Starfsendurhæfing byggir á samvinnu. Nauðsynlegt er að góð samskipti og upplýsingastreymi eigi sér stað á milli viðkomandi einstaklings, ráðgjafa VIRK og sjúkraþjálfara svo væntur árangur náist. Til að tryggja og efla þessi samskipti hefur VIRK í samráði við fulltrúa Félags Sjálfsætt starfandi sjúkraþjálfara sett niður eftirfarandi reglur um samskipti og greiðslur ef ráðgjafar eða sérfræðingar VIRK hafa tilkynnt um greiðsluþátttöku sjóðsins og umsýslu af hálfu sjúkraþjálfara sem ekki fellur innan rammisamnings Sjúkratrygginga Íslands.

Sjúkraþjálfun er heilbrigðisþjónusta sem byggir á lögum og reglugerðum frá heilbrigðisyfirvöldum. Kostnaðarhlutdeild einstaklinga í sjúkraþjálfun ákvarðast með reglugerð frá Velferðarráðherra. Samskipti Virk og sjúkraþjálfara byggja annars vegar á kostnaðarhlutdeild sjúkratryggðra í þjálfun og hins vegar á upplýsingastreymi milli sjúkraþjálfara og ráðgjafa Virk sem grundvallast á upplýstu samþykki einstaklingsins.

Þegar einstaklingi sem er í þjónustu ráðgjafa VIRK er vísað til sjúkraþjálfara og ráðgjafar og sérfræðingar VIRK líta svo á að sjúkraþjálfun sé nauðsynlegur þáttur starfsendurhæfingar fyrir viðkomandi einstakling þá getur VIRK ákveðið að greiða kostnaðarhlut einstaklings í sjúkraþjálfun. Þessi greiðsla getur hins vegar aðeins farið fram ef til staðar er formleg tilkynning þess efnis frá ráðgjafa VIRK til viðkomandi sjúkraþjálfara.

2 Samskipti

Þegar einstaklingur í starfsendurhæfingu hjá VIRK er að hefja meðferð hjá sjúkraþjálfara, hefur ráðgjafi VIRK samband við sjúkraþjálfara og tilkynnir um væntanlega þjónustubeiðni og greiðsluþátttöku fyrir tilteknum fjölda skipta í sjúkraþjálfun. Reikningur vegna hlutdeild viðkomandi einstaklings í meðferðinni skal sendur til VIRK við meðferðarlok.

Þegar einstaklingur hefur þegar hafið sjúkraþjálfun og greiðsluþátttöku VIRK fyrirhuguð, þarf ráðgjafi að fá upplýsingar hjá sjúkraþjálfara um hversu mörg skipti eru eftir af greiðsluþátttöku Sjúkratrygginga Íslands.

Gert er ráð fyrir að greiðsla VIRK í hlut einstaklings fylgi reglum um greiðsluþátttöku sjúklings samkvæmt reglugerð velferðarráðherra um greiðsluþátttöku einstaklinga í þjálfun og rammisamningi SÍ um sjúkraþjálfun. Þannig greiðir VIRK eingöngu kostnaðarhlutdeild einstaklinga í þjálfun í þann fjölda skipta sem tiltekin eru í áður nefndri reglugerð. Ef upp koma sérstök undantekningartilvik sem taka þarf tillit til varðandi þessa þætti þá skal þeim vísað til umfjöllunar hjá VIRK.

Ráðgjafi og sjúkraþjálfari eru í sambandi símleiðis eða með tölvupósti eftir þörfum.

3 Þjónustubeiðnir

Greiðsla VIRK í hlut einstaklings í sjúkraþjálfun miðast við þá dagsetningu sem kemur fram á þjónustubeiðninni. Hluti einstaklings í greiðslu fyrir meðferð sem þegar hefur átt sér stað fyrir þá dagsetningu verður **EKKI** greiddur af VIRK.

Sjúkraþjálfarar og VIRK hafa komið sér saman um að eftirfarandi texti fylgi þjónustubeiðnum vegna sjúkraþjálfunar:

Vinsamlegast sendið reikning fyrir hlut einstaklings fyrir næstu xx skipti í sjúkraþjálfun til VIRK, sem mun greiða þann hlut þar sem einstaklingurinn er í starfsendurhæfingu hjá VIRK. Markmið einstaklingsins er að styrkja stöðu sína við að eiga afturkvæmt á vinnumarkað. Kostnaðarpátttaka VIRK miðast við að einstaklingur eigi réttindi hjá Sjúkratryggingum Íslands.

4 Greinargerð

Ráðgjafi getur óskað eftir stuttri greinargerð sjúkraþjálfara þar sem fram kemur gangur meðferðar og horfur m.t.t. mögulegrar atvinnuþátttöku einstaklingsins. Sjúkraþjálfari fær þá senda sérstaka þjónustubeiðni vegna þess og með henni fylgir undirskrifað upplýst samþykki einstaklingsins við VIRK.

Form greinargerðar hefur verið unnið í samstarfi sjúkraþjálfara og VIRK og inniheldur upplýsingar um eftirtalda þætti:

Innihald greinargerðar:

A. Fjöldi skipta og meðferðarheldni

B. Framgangur meðferðar og áframhaldandi markmið er lúta að endurkomu til vinnu

- Staðan í dag
- Færni m.t.t. atvinnuþátttöku

C. Telur sjúkraþjálfari þörf á frekari meðferð eins og t.d. úttekt vinnuumhverfis eða eftirfylgni með æfinaápróarammi?

5 Gjaldskrá

Verkþáttur	Lýsing	Fjárhæð
Greinargerð	Greiðsla fyrir umbeðna greinargerð frá sjúkráþjálfra sbr. grein 4 hér að framan. Aðeins er greitt fyrir greinargerð ef ráðgjafi hefur óskað eftir henni með formlegri beiðni.	4.185 kr.
Kostnaður vegna umsýslu og samskipta við ráðgjafa	Greiðsla fyrir umsýslukostnað og samskipti sjúkráþjálfara við ráðgjafa VIRK. Þessi greiðsla bætist við þann reikning sem sendur er til VIRK vegna hlutar einstaklings í sjúkráþjálfun.	300 kr. fyrir hvert skipti einstaklings í sjúkráþjálfun.

6 Reikningar

Sjúkráþjálfari sendir reikning fyrir hlut einstaklingsins í viðeigandi liðum í gjaldskrá 5. greinar hér að framan til VIRK með dagsetningum meðferðardaga. Reikningur skal stílaður á Starfsendurhæfingarsjóð kt. 440608-0510. Á reikningi þarf að koma fram nafn og kennitala einstaklings ásamt nafni ráðgjafa sem bað um þjónustuna og upplýsingar um tímabil meðferðar.


7 Gildissvið og gildistími

Þessar reglur eiga eingöngu við um þá sjúkráþjálfara sem hafa rétt til að vinna samkvæmt gildandi rammasamningi Sjúkratrygginga Íslands og hafa fengið beiðni frá ráðgjafa vegna greiðslubátttöku á hlut einstaklings í sjúkráþjálfun. Sjúkráþjálfari sem sendir VIRK reikning vegna vinnu fyrir verkþætti í grein 5 hér að framan samþykkir jafnframt að vinna í samræmi við þessar reglur og uppfylla þær skyldur sem hér eru listaðar upp.

Þessar reglur gilda frá og með 1. maí 2011 til 1. maí 2012. Um er að ræða tilraunaverkefni til tiltekins tíma og mun framhaldið ráðast m.a. af reynslu þessa fyrsta árs. VIRK getur á þessu tímabili ákveðið að hætta eða breyta þessu fyrirkomulagi en mun þá tilkynna bæði fulltrúum Félags sjálfstætt starfandi sjúkráþjálfra og þeim sjúkráþjálfurum sem hafa verið í samstarfi við ráðgjafa VIRK um breytinguna með þriggja mánaða fyrirvara.

Reykjavík, 19. apríl 2011

F.h. Starfsendurhæfingarsjóðs



Vigdís Jónsdóttir, framkvæmdastjóri